

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD SARAJEVO  
Broj: 65 0 St 1095057 24 St  
Sarajevo, 19.03.2026. godine

Općinski sud u Sarajevu, stečajni sudija Ivana Kulić, u stečajnom postupku koji se vodi nad imovinom Atrika Home Design d.o.o. Sarajevo, Rustempašina broj 12, Sarajevo, dana 19.03.2026. godine, donio je sljedeće:

### **R J E Š E N J E**

Prijava potraživanja stečajnog povjerioca J.u.A. Frischeis d.o.o. Visoko od 03.03.2026. godine, zaprimljena na ovom sudu dana 12.03.2026. godine, se odbacuje kao neblagovremena.

### ***Obrazloženje***

Rješenjem od 20.05.2025. godine, otvoren je stečajni postupak nad imovinom Atrika Home Design d.o.o. Sarajevo, Rustempašina broj 12, Sarajevo.

Predmetnim rješenjem pozvani su svi povjerioci da u roku od 30 dana, od dana objavljivanja oglasa o otvaranju stečajnog postupka u "Službenim novinama FBiH" prijave svoja potraživanja Sudu, u skladu sa članom 105. Zakona o stečaju, kao i da u istom roku obavijeste stečajnog upravnika koja prava osiguranja potražuju na predmetima imovine stečajnog dužnika.

Oglas je objavljen u "Službenim novinama FBiH" broj 43 na strani 17, dana 11.06.2025. godine.

Prvo ročište za ispitivanje prijava potraživanja održano je dana 27.08.2025. godine.

Povjerilac J.u.A. Frischeis d.o.o. Visoko dana 12.03.2026. godine, podnio je prijavu potraživanja, koja glasi na iznos od 13.248,85 KM, potraživanje dosuđeno pravosnažnom i izvršnom presudom Općinskog suda u Zenici broj 43 0 Ps 216228 22 Ps od 25.05.2023. godine.

Odredbom člana 177. stav 2. i 5. Zakona o stečaju (Službene novine F BiH 53/21) propisano je da će sud odbaciti kao neblagovremene prijave potraživanja podnesene nakon isteka roka od 3 mjeseca poslije održanog prvog ispitnog ročišta.

Kako je navedena prijava zaprimljena dana 12.03.2026. godine odnosno nakon proteka roka od 3 mjeseca poslije održanog prvog ispitnog ročišta (27.08.2025. godine), to je sud primjenom odredbi člana 2. 5. i 6. Zakona o stečaju odlučio kao u izreci.

**STEČAJNI SUDIJA**  
**Ivana Kulić**

**POUKA:** Protiv ovog rješenja dozvoljena je žalba Kantonalnom sudu u Sarajevu u roku od 8 dana od dana prijema. Žalbu može podnijeti podnosilac prijave, putem ovog suda, u dovoljnom broju primjeraka za sud i stranke.